

Član 21.
(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-25654/06 Predsjedavajuća
1. septembra 2006. godine Skupštine Kantona Sarajevo
Sarajevo **Meliha Alić, s. r.**

Na osnovu člana 12. stav 1. tačka j), 13. stav 1. tačka e.) i 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3. i 6. Zakona o ustanovama ("Službeni list RBiH", broj 6/92, 8/93 i 13/94), i članova 71. i 87. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03 i 2/06), Skupština Kantona Sarajevo je, na sjednici od 1. septembra 2006. godine, donijela

ODLUKU

**O OSNIVANJU KANTONALNE JAVNE USTANOVE
"DOM ZA SOCIJALNO ZDRAVSTVENO
ZBRINJAVANJE OSOBA SA INVALIDITETOM I
DRUGIH OSOBA"**

Član 1.
(Osnivač i status ustanove)

(1) Kanton Sarajevo (u daljnjem tekstu: Osnivač) osniva Kantonalnu javnu ustanovu "Dom za socijalno zdravstveno zbrinjavanje osoba sa invaliditetom i drugih osoba" (u daljnjem tekstu: Dom za socijalno zdravstveno zbrinjavanje).

(2) Dom za socijalno zdravstveno zbrinjavanje ima svojstvo pravnog lica, koje stiče upisom u sudski registar kod Kantonalnog suda u Sarajevu.

Član 2.
(Naziv i sjedište ustanove)

(1) Naziv ustanove je: Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba".

(2) Sjedište Doma za socijalno zdravstveno zbrinjavanje je u Sarajevu, ulica Nahorevska broj 195.

Član 3.
(Djelatnost i organizacione jedinice)

(1) Djelatnost Doma za socijalno zdravstveno zbrinjavanje je:

- a) socijalno zdravstveno zbrinjavanje odraslih tjelesno i mentalno invalidnih osoba, osoba sa trajnim smetnjama u fizičkom ili psihičkom razvoju, duševno oboljelih i hronično bolesnih osoba, osoba sa specifičnim oboljenjima i osoba sa društveno negativnim ponašanjem ukoliko ne postoje osnovni uslovi za smještaj u vlastitoj, drugoj porodici ili ustanovi, a nije im neophodno bolničko liječenje ili je bolničko liječenje završeno,
- b) pružanje korisnicima usluga zbrinjavanja, ishrane, zdravstvene zaštite, dijagnosticanja, rehabilitacije (medicinske, psihosocijalne), radnu i okupacionu terapiju u skladu sa preostalim sposobnostima, kulturne, zabavne, sportske i druge aktivnosti.

(2) U Domu za socijalno zdravstveno zbrinjavanje osoba sa invaliditetom i drugih osoba mogu se uz prethodnu saglasnost Ministarstva za rad, socijalnu politiku, raseljena lica i izbjeglice Kantona Sarajevo, kao organizacione jedinice osnovati:

- a) Centar za rehabilitaciju,
- b) Centar za radno-proizvodne aktivnosti,
- c) Hospis-Dnevni centar,
- d) Hospis-Palijativne njege.

(3) Organizacione jedinice Doma za socijalno zdravstveno zbrinjavanje nemaju svojstvo pravnog lica.

Član 4.
(Šifra djelatnosti)

(1) Šifra djelatnosti Doma za socijalno zdravstveno zbrinjavanje određena je prema Odluci o standardnoj klasifikaciji djelatnosti ("Službene novine Federacije BiH", broj 28/98, 36/98 i 47/98) i glasi:

- 85.3185.310 Socijalna zaštita u ustanovama sa smještajem,
- 85.12 Djelatnost medicinske prakse
- 85.121 Djelatnost medicinske prakse
- 85.122 Zdravstveno-preventivna zaštita
- 85.1485.140 Ostala zdravstvena zaštita ljudi

(2) Dom za socijalno zdravstveno zbrinjavanje može obavljati i bez upisa u sudski registar privrednu djelatnost u manjem obimu ili povremeno radi profesionalnog osposobljavanja i zapošljavanja invalidnih lica, ako ta djelatnost služi ostvarivanju osnovne djelatnosti za koju je Dom za socijalno zdravstveno zbrinjavanje i osnovan.

Član 5.
(Način promjene djelatnosti)

Dom za socijalno zdravstveno zbrinjavanje može proširiti ili promijeniti djelatnost iz člana 4. ove Odluke, o čemu odluku donosi Osnivač.

Član 6.

(Sredstva za osnivanje i odgovornosti u pravnom prometu)

(1) Osnivački ulog Doma za socijalno zdravstveno zbrinjavanje je 550.000 (petstotinapadeset hiljada) KM.

(2) Objekti i oprema koje je Dom za socijalno zdravstveno zbrinjavanje preuzeo od Javne ustanove "Centar za socijalno zbrinjavanje rekonvalescenata" Sarajevo su svojina osnivača.

(3) Dom za socijalno zdravstveno zbrinjavanje je takođe preuzeo prava i obaveze Javne ustanove "Centar za socijalno zbrinjavanje rekonvalescenata" Sarajevo.

(4) Za svoje obaveze Dom za socijalno zdravstveno zbrinjavanje odgovara svom svojom imovinom - potpuna odgovornost.

(5) Osnivač Doma za socijalno zdravstveno zbrinjavanje je odgovoran za obaveze ove ustanove do visine osnivačkog uloga.

Član 7.
(Izvori i način obezbjeđivanja sredstava)

(1) Sredstva za rad Doma za socijalno zdravstveno zbrinjavanje obezbjeđuju se iz:

- a) Budžeta Kantona Sarajevo,
- b) ličnog učešća korisnika,
- c) donacija,
- d) drugih izvora, u skladu sa zakonom.

Član 8.
(Način raspolaganja sredstvima)

Dom za socijalno zdravstveno zbrinjavanje raspolaže sredstvima u skladu sa Zakonom o izvršavanju Budžeta Kantona Sarajevo.

Član 9.
(Odgovornost i obaveze prema Osnivaču)

(1) Dom za socijalno zdravstveno zbrinjavanje je odgovoran Osnivaču za rezultate svog rada i djelovanja u svim oblastima za koje je nadležan.

(2) Obaveze Dom za socijalno zdravstveno zbrinjavanje prema Osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
- b) jedanput godišnje Osnivaču podnosi izvještaj o poslovanju,
- c) druge obaveze utvrđene zakonom.

Član 10.

(Organ upravljanja i način imenovanja)

(1) Organ upravljanja u Domu za socijalno zdravstveno zbrinjavanje je Upravni odbor.

(2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

(3) Upravni odbor se sastoji od pet članova od kojih se, u pravilu, jedan član imenuje iz reda stručnih zaposlenika ustanove.

(4) Predsjednik i članovi Upravnog odbora imenuju se na period od četiri godine i mogu biti ponovo imenovani.

(5) Direktor ustanove ne može biti član Upravnog odbora.

Član 11.

(Način razrješavanja organa upravljanja)

Vlada Kantona Sarajevo može razriješiti predsjednika i članove Upravnog odbora i prije vremena na koje su imenovani u skladu sa zakonom.

Član 12.

(Usklađivanje općih akata)

Upravni odbor je obavezan da u roku od 30 dana od dana stupanja na snagu ove Odluke uskladi opće akte ustanove sa odredbama ove Odluke, zakonom i podzakonskim aktima.

Član 13.

(Saglasnosti na akte)

Saglasnost na opće akte Doma za socijalno zdravstveno zbrinjavanje daje Ministarstvo za rad, socijalnu politiku, raseljena lica i izbjeglice Kantona Sarajevo.

Član 14.

(Organ rukovođenja i način imenovanja)

(1) Organ rukovođenja u Domu za socijalno zdravstveno zbrinjavanje je direktor.

(2) Direktora imenuje Upravni odbor na osnovu javnog konkursa, uz saglasnost Vlade Kantona Sarajevo.

(3) Uslovi za imenovanje direktora utvrđuju se u Pravilima ustanove u skladu sa zakonom.

Član 15.

(Vršilac dužnosti direktora)

(1) U periodu do imenovanja direktora, poslove predstavljanja i zastupanja Doma za socijalno zdravstveno zbrinjavanje će obavljati vršilac dužnosti direktora, kojeg imenuje Upravni odbor.

(2) Vršilac dužnosti direktora ima sva prava i dužnosti koje po zakonu ima direktor.

(3) Vršilac dužnosti direktora može rukovoditi Domom za socijalno zdravstveno zbrinjavanje do imenovanja direktora, a najduže 6 mjeseci, odnosno do okončanja procedure izbora direktora utvrđene zakonom.

(4) Upravni odbor je dužan imenovati direktora u roku od 60 dana od dana imenovanja Upravnog odbora.

Član 16.

(Organ kontrole poslovanja i način imenovanja)

(1) Organ kontrole poslovanja Doma za socijalno zdravstveno zbrinjavanje je Nadzorni odbor koji se sastoji od tri člana.

(2) Predsjednika i članove Nadzornog odbora imenuje i razrješava Vlada Kantona Sarajevo, u skladu sa važećim zakonskim propisima.

(3) Jedan član Nadzornog odbora se imenuje, u pravilu, iz reda stručnih zaposlenika ustanove.

Član 17.

(Nadzor nad radom ustanove)

Nadzor nad zakonitošću rada Domom za socijalno zdravstveno zbrinjavanje vrši Ministarstvo za rad, socijalnu politiku, raseljena lica i izbjeglice Kantona Sarajevo.

Član 18.

(Upis u sudski registar)

Na osnovu ove Odluke izvršit će se, na zahtjev ovlaštenog lica, promjena upisa ustanove u sudski registar.

Član 19.

(Prelazna odredba)

(1) Organ rukovođenja, upravljanja i nadzora i lica izabrana u te organe nastavljaju sa radom do isteka vremena na koje su imenovani.

(2) Dom za socijalno zdravstveno zbrinjavanje nastavlja sa radom po odredbama ove Odluke i preuzima zaposlenike koji nastavljaju sa statusom koji su do sada imali, sredstva, opremu, arhivu i dokumentaciju, sredstva za rad, finansijska prava i obaveze ove ustanove.

Član 20.

(Završna odredba)

Stupanjem na snagu ove Odluke prestaje da važi Odluka o osnivanju Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ("Službene novine Kantona Sarajevo", broj 19/97) i Odluke o izmjenama Odluke o osnivanju Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ("Službene novine Kantona Sarajevo", broj 21/98).

Član 21.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-25656/06

1. septembra 2006. godine

Sarajevo

Predsjedavajuća

Skupštine Kantona Sarajevo

Meliha Alić, s. r.

Na osnovu člana 12. stav 1. tačka j), 13. stav 1. tačka e.) i 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3. i 6. Zakona o ustanovama ("Službeni list RBiH", broj 6/92, 8/93 i 13/94) i članova 71. i 90. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03 i 2/06), Skupština Kantona Sarajevo je, na sjednici od 1. septembra 2006. godine, donijela

ODLUKU

**O OSNIVANJU KANTONALNE JAVNE USTANOVE
"GERONTOLOŠKI CENTAR"**

Član 1.

(Osnivač i status ustanove)

(1) Kanton Sarajevo (u daljnjem tekstu: Osnivač) osniva Kantonalnu javnu ustanovu "Gerontološki centar" (u daljnjem tekstu: Gerontološki centar).

(2) Gerontološki centar ima svojstvo pravnog lica, koje stiče upisom u sudski registar kod Kantonalnog suda u Sarajevu.

Član 2.

(Naziv i sjedište ustanove)

(1) Naziv ustanove je: Kantonalna javna ustanova "Gerontološki centar".

(2) Sjedište Gerontološkog centra je u Sarajevu, ulica Aleja Bosne srebrene broj 7.